

Magtubu to Pol li bij Kwolosinjê Kwôlo kôl kwôli magtubu to Pol li hen

Kwolôs na na sa iyére to bô emê wo Asi a. Kwolôs na kilomêter arew wôô nañ Epês si tô emen iyôn. Pol ô Kwolôs sa pôn ré, nijba, na megari ôbi jé Epapras a na ná kwôni wo tumô wo na ô ulê béré Kwôlo Dôri ya. (Sapitre 1:7 men, Sapitre 4:12.) Epapras bi kôba, na kwôni wo Kwolôs. Kirija Pol yij dangay a Rôm hen na (Sapitre 4: 3, 10, 18), Epapras ô kôli mega wo bay ayê bôô ka Kwolôs a ré ay geré anğan gelé ka kôrbi.

Bijé kañ bay gelére anğa kôrbi bay ka hen na, bay kôl hena kwôni ré gey henê Emen men, uwônij gelé a men na, bay kôl bay réé tibé tunu to habij to ôrij nañ néé hen men, bay réé dôbê sarji bij lê hara woji mega walê kej iyôn men, bay réé cibé tirji sa tôô to gengij sa emê men, gengij sa anğan yê men hen.

Kirija Pol toy kwôlê bi wo hen iyôn menba, ôbi sun añ hena li magtubu lew bij bay ayê bôô ka Kwolôs. Ôbi kôlji mega wo gelé wo Emen ré bi nañ geré wo Jêsu Krist hen na, ré nêmen iyôn. Añ na si Tikik nañ Onésim a ôrij nañ magtubu hende to hen biji (Sapitre 4:7, 9). Sapitre 1: 1-14 na, Pol liji dosé men, uwôl Emen añ liri liri dosé men. Sapitre 1: 15 - 2: 3 kôl na kwôli néé nêmê

wo *Krist. Ôbi gôlij sa tunu kê m to ôrij nap né hen men, ôbi na ôbi sa églis pôn nêj hari men.

Sapitre 2: 4-25 na, Pol yêge maa bay ayê bô ka Kwolôs gengij sa kwôlê wop benare wo gawrê ka pônî usuréri sa iyére toji a hen. Sapitre 3: 1 - 4: 6 na, Pol hô kôlji kwôli hal wo kôrbi wo nana ay kirijna nana bij nap Krist hen men, perê bay ayê bô a men, bô iyére toji a men, nap bijné ka nô a men. Sapitre 4: 7-18 na, Pol duu kibi magtubu tori nap kwôlo gay gay wo ôbi kôl kwo gengij sari men, dosé to ôbi li biji nap kôbri wori hen men.

Angap gelé kap benare bay ka hen na, tôri gay gay dîba, na pôn né. Nijba, anga pôn ka bilij danj ré ná, na wô wo bay gusuré bay ayê bô an nôgeji kelañ sa bê bô sa Krist a pôn nêj. Na ôbi á, magtubu to Pol ré li bij bay ayê bô ka Kwolôs hen na, yi mega ôbi ré li bij na bay ayê bô ka kemnêj men iyônj. Magtubu hende to hen kôl kwôli gelê wo Krist gôlij sa are kê m hen men, kwôli derê wo ôbi derêna bô lemnare to tunu to habij berêna bô a hen men.

Dosé to Pol lij kamañ ka Kwolôs

¹ Nôbi Pol nap yêna Timoté, a lê magtubu hende to hen benge hen. Nôbi, ena *ôbi jé wo Krist Jêsu nap bô geyé wo Emen.

² En li magtubu hende to hen benge kenbay bijné ka Emen ka Kwolôs a kap bay bô pôn ka ken bij nap Krist hen. Bi bô derê nap bô jalê wo Ibarna Emen baa nap ken.

Pol lij Emen dosé

³ Nini lij Emen Iba Kelma wona Jêsu Krist dosé sa pôn pôn kirijna nini uwôli wô sarŋge. ⁴ Wôsa nini toy kwôli ayê bôô woŋge wo tô Krist Jêsu a men, kwôli peré wo ken pur bijé ka Emen a men hen. ⁵ Ken li hen iyôŋ wôsa kirijna béré kwôlê woŋ tiri kurij mareŋge a kwini ta na, na ken toy kwôli aŋgaŋ dé bôô sara ka yi bô kwôlê bi wo hen a. Na ôbi á, ayê bôô woŋge naŋ peré wo ken pur yênrêŋge hen ré dŋ sa aŋga ken dŋ bôrŋge sara ka Emen na dŋ gengij sarŋge derômaran a hen. ⁶ Kwôlo Dôri bi wo hen na, sa perêrŋge a. Ôbi bij bijé derê men, ô tumô tumô gôr kirij sa terare a nà, na na hen iyôŋ hende to hen ayij tôri wulê wo na ken toyij men, ken hônij bô derê wo Emen tiri a men hen. ⁷ Na Kwôlo Dôri bi wo hen a na kené toy kibi Epapras megarni ôbi jé wo nini piri hen. Ôbi li jé naŋ bôô pôn bij Krist wô derê woŋge men, ⁸ ôbi derêni wô peré wo Tunu toŋ hendi bô bôrê béŋge ken pur bijé ka Emen hen a men.

⁹ Ôbi á, ré ayij tôri wulê wo nini toyij kwôlêŋge hen na, nibay kôba, nini uwôl Emen sa pôn pôn wô sarŋge men, nini eŋgeriri ré béŋge tu melênê kê m naŋ henê are kê m ka Tunu bi hen, dema kené hônij are kê m ka ôbi gey hen derê. ¹⁰ Iyôŋ ba, bi jé lêrêŋge gel wo kené na ka Kelma aŋ kené li aŋga ré dé tiri hen kwôy kwôy men, kené li aŋga dôri ka gay gay hen men, kené hôn Emen tumô tumô men, ¹¹ bi Emen né béŋge nêrŋge sa are kê m a naŋ néé damŋare tori aŋ bi kené berij bôrŋge iyêre sa are kê m a men, kené yi bay ulê bôô men, kené li naŋ yi derê a men.

¹² Iyôn ba, ken lij Ibarna Emen dosé wôsa na ôbi a lê apa kené uwônij anğa ôbi na genge dîré sa bijñ ñijé kari bô emê iyére to kirijñ ka perañgi a hen. ¹³ Men, ôbi derêna eren bô emê iyére to dilemne a bi nana ôrijñ bô emê iyére to Kemari wo ôbi geyri hen dî. ¹⁴ Na sa kibi anğa Kemari bay ka li hen apa ôbi ré derêna bô habrê a an dîñ bôri jal sa têrijñ tona a men hen.

Krist nañ jé lêri

¹⁵ Krist bi wo hen gel Emen wo kwôni gili ré hen men, ôbi na Kema Emen wo na ôbi sa ari dé ka Emen kêm a men. ¹⁶ Wôsa nà nañ geré wori apa Emen na ré dîñ are kêm ka derômarañ a nañ ka sa terare a nà men, ka tu gawra gel men, ka tu gawra gel ré hen a men. Sa gagay kenare a men, sa ka gôlijñ sa kirijñ a men, sa tunu to gay gay to ôrijñ nañ tôô men, to ôrijñ nañ néé wo gay gay kêm a men hen na, na dîñ nañ geré wo Kemari men, wô bijñ na Kemari bi wo hen a men. ¹⁷ Ôbi na tumô are kêm men, are bay ka kêm hen yi nañ kiniji kiniji nañ geré wori a men. ¹⁸ Ôbi na Kelma sa Églis to yi môjñ kurônggi yiri iyôn hen. Wôsa ôbi na ayê tô are men, kwo tumô wo ji si kampê an hô ma ré nijñ. Na hen iyôn apa ôbi ré yijñ tumô are kêm hen. ¹⁹ Wôsa are kêm ka yi yi Emen a hen na, ôbi gey bi ré yi yi Kemari a hen iyôn men yôd. ²⁰ Emen genge bi are kêm ka sa terare a nà nañ ka derômarañ a ré hô bijñ pôn nañ dî nañ geré wo Kemari. An ôbi bi bô jalê yi

perêrji a nañ gawrê sa kibi kwôbri Kemari wo biñ tòn sa gurô tagelê hen.

²¹ Kenbay na, ca ba na ken kelañ nañ Emen men, na kena bay bayiriri a men wôsa ermé woñge nañ jé lêrenge na habiñ. ²² Nijba, haw hen Emen hô bêñge pôn nañ dî nij sa kibi temay Kemari wo ay yi gawra môn kwona iyôn hen añ bi kené yij biñé ka yi nañ jengêrji ka séli ka kwôni a nê mê ulê kwôlê sarji a ré, wulê wo ôbi ré ôriñ nañ ken tumôri a. ²³ Iyôn ba, ken fu ayê bôb woñge iyêre môn tô iyêre to dîñ dô iyôn dîba, ken dî ani nôgêñge wolé sa aña ken dî bônge sara ka ken toy bô Kwôlo Dôri a hen né. Kwôlo dôri bi wo hen na, bay na uwôl béreri biñ gawrê pôn pôn kê m sa terare a nà: añ nôbi Pol kôba, en yi mana wo Emen wô ulê béré Kwôlo Dôri bi wo hen men.

Jé wo Pol li wô sa Églis

²⁴ Haw hen yen dôren sa gusiñ to en geliñ wô sarñge hen. En geliñ gusiñ mega wo Krist na geliñ wô églis to yi môn kurôngi yiri hen iyôn hen añ en diriñ kibi jé woñ gusiñ wô Krist wo na baa hen. ²⁵ Na ôbi á, ené yij mana wo Églis na wôsa Emen a bèn jé bi wo hen kôben a bi ené uwôliñ béré derê kwôlê wo dôri hen kê m yôd. ²⁶ Kwôlo Dôri bi wo hen na, na yi kini uwôbêri a ca yeñ nijba, haw hen Emen yêge sari biñ biñé kari nij. ²⁷ Emen a gengé bi dîré yêgê sa Kwôlo Dôri bi wo hen añ bi biñé ré hôn mega gengé wori bi wo hen na, ré na aña ré dô gañ añ ré lê nañ tô yê biñé kê m. Kwôlo na yi nañ uwôbêri bi wo hen na, na wo Krist ré mô bônge a. Na

ôbi á, kené dîŋ bôrŋge wo kené sa upé hini emê wo Emen wo Krist ôriŋ men hen. ²⁸ Nini kôl kwôli Jêsu Krist biŋ ðiŋé kêm men, nini yêge marji men, nini gelji naŋ tu melênê kêm a men, bi kwôni wo ré biŋ naŋ Krist ba, ré gesiŋ. ²⁹ Na wô jé bi wo hen aŋa ené mase wô lê jé naŋ néé wo Krist wo li jé damaŋ yen a hen.

2

¹ En gey bi kené hôn wo ené ka maŋê wô sarŋge damaŋ men, wô sa bay ayê bôô ka Lawdisé a men, wô sa ðiŋé kwône ka gel tun né tô hen a men. ² En li hen iyôŋ bi kenbay men bay men kené dôbiŋ ibiyare bôrŋge a men, bi kené piŋiŋ yerŋge naŋ bôô pôn a men. Men, kené hôn tu kwôlê naŋ are kêm ka yi bô a hen. Na ôbi a béŋge ka henê sarŋge a derê kwôlo Emen wo yi naŋ kini uwôbêri hen. Kwôlo yi naŋ kini uwôbêri bi wo hen na, na *Krist bi naŋ yiri. ³ Na yiri a a aŋgaŋ upé kêm ka gengiŋ sa tu melênê naŋ henê are ka hena ligi Emen a hen ré uwôbiŋ ya.

⁴ En kelêŋge hen iyôŋ bi kwôni ré lamêŋge naŋ kibi derê wori ré. ⁵ Bi wo en naŋ perêrŋge a hen kôba, en erem kwôleŋge damaŋ men, en li yi derê wôsa en hôn wo kené li are kêm perêrŋge a naŋ geréri men, kené bi bôrŋge dô sa Krist a, a men.

Déŋge tu melênê sa yerŋge a wô sa bay lamê kirij

⁶ Haw hen wo ken bô Krist Jêsu mega Kelma woŋge hen na, bi jé lêreŋge kôba yi mega kwo ôbi gey hen iyôŋ men. ⁷ Bi hanêrŋge tôbiŋ tôŋ dô

tô Krist Jêsu a men, bi jê lêrenge yi môp kwori iyôn men, ken dfebe gerañ tô ayê bôo wonge a men, ken biri bôrñge kwôy kwôy mega wo bay na gelênge hen iyôn. Men, ken lijn Emen dosê kwôy kwôy a men.

⁸ Dênge tu melênê sa yerñge a dîba, bi kwôni lamênge bi a tôri a nañ ermé wori won dên iyôn hen né, wôsa ermé bi wo iyônji hen na, yi gengijn na sa hara wo gawrê men, yi gengijn na sa tunu to habijn to ôm kirijn sa terare a nà a men, dîba na kwo gengijn sa Krist hen né. ⁹ Wôsa are kêm ka yi yi Emen a hen na, bay a yé yi Krist a kêm hen men. ¹⁰ Na sa kibi bijare to ken bij nañ dî hen aña Tunu bi hen ré nañênge ré hen. Wôsa ôbi a na Kelma sa tunu to gay gay to ôrij nañ tôo hen men, sa to ôrij nañ néé wo gay gay hen a men.

¹¹ Mega wo ken bij pôn nañ Krist hen iyôn na, yi mega wo kené wal ken iyôn. Na ken wo kôbi gawra a walê ré, nijba, na jê lêrenge kêm wo habijn a Krist ré dô yôd añ hen. ¹² Kirijna bay na lênge batêm hen na, yi mega kené ma añ emijn nañ Krist men, yi mega kené ji si kampê nañ dî hen iyôn men, wôsa ken bi bôrñge sa néé wo Emen wo sijn nañ dî perê bijé ka ma a hen. ¹³ Kenbay ka kena Jubnê ré hen na, ca ba na ken yi mega kené ma iyôn wô kibi têrij tonje men, wô kibi ken wo na ken wal ré tô hen a men, nijba, Emen hô bênge gelê nañ Krist wôsa ôbi dî bôri jal sa têrij tona kêm. ¹⁴ Ca ba magtubu to na ulêna kwôlê sarna hen, na ya wôsa na nana dface sa tôo to Emen. Nijba, ôbi dô têrij to yi

sarna hen aṅ yi mega ôbi ré bér magtubu hende to ulêna kwôlê sarna hen sa gurô tagelê. ¹⁵ Sa kibi temay Krist sa gurô tagelê na, ôbi tô anṅaṅ maṅê kôbi tunu to gay gay to ôriṅ naṅ tôô hen men, sa to ôriṅ naṅ néé wo gay gay hen men. Ôbi ôriṅ naṅ ci tu wolé gelij bijné wo ðiré gôlij sarji.

¹⁶ Iyôṅ ba, ken ði kwôni jô kwôlê sarṅge a sa anṅa ken ôm men, yi men hen né, men, sa kwôlo gengij sa lê geserê a ré a men, sa lê geserê wo kerbay a ré men, sa *sa merê ta a ré a men.

¹⁷ Wôsa are bay ka kêm hen na, na tini anṅa na ré era hen aṅ Jésu Krist a na yirji woṅ tiri hen tô. ¹⁸ Déṅge bi bijné uwôl kwôlê sarṅge a ré. Bijné bay ka uwôl kwôlê sarṅge a hen na kôl jeré pôy yem men, jeré tebe *manê ka derômaran a a men. Men, bay kôl na kwôli anṅa ciré gel kwôy kwôy bô pelal a men. Bijné bay ka iyôṅgi hen na, bi wo bay na ani ré hen kôba, bay uwôyré yirji men, ermé woji na kwo gawrê mera a men.

¹⁹ Bay ði yirji yi Krist a Kelma woji a ré nij yôð. Ôbi yi mega saa iyôṅ aṅ Églis yi mega kurôṅgi yiri iyôṅ. Bijné ka bijn naṅ ði hen na, ôbi biji are kêm ka bay ôriṅ doyriji hen. Men, ôbi li aṅ bay bijn pôn perêrji a mega wo yi gawra bijn pôn sa kibi lawri naṅ kibi kurijni hen iyôṅ aṅ bay ðebij mega wo Emen gey hen iyôṅ.

²⁰ Bê wo ken bijn pôn naṅ Krist aṅ yi mega kené ma naṅ ði iyôṅ hen na, ken dôriṅ kôbi néé wo tunu to habij to sa terare a nà nij menba, wô mi a kené yi môṅ kené baa tô néé wo tunu to habij hende to hen ba? Men, wô mi a kené ði bi

bay ré hô déngge hara bi wo iyôngi hen sarŋge a ba? ²¹ Hara bi wo hen a na: «Ay aŋga na ré men, ôm aŋga hen ré men, hebe aŋga hen ré a men.» ²² Hara bi wo kêh hen na, gengiŋ na sa aŋga kwôni ay liŋ jé ba naŋ hen. Wôsa na hara naŋ gelé aŋga gawrê ka ejer naŋ sarji. ²³ Na tiri wo hara woŋ piyé yi men, tibé *manê ka derômaran a men, geliŋ yi gusiŋ a men hen na, yi mega aŋgan tu melêné kaŋ lê haji niŋba, bay ôriŋ naŋ néé woŋ dôriŋ doy aŋga yi bô gawra hen né. Wôsa na aŋga dôriŋ na gawrê mera.

3

Jésu Krist li aŋ ken yi biŋé ka kôrbi

¹ Mega wo Emen béŋge ken ji si kamŋê naŋ *Krist hen na, bi ermé woŋge yi na sa aŋga *emê iyére to derômaran a kiriŋ ka Krist môriŋ ya sa kôbi Emen woŋ gusurô a hen dî. ² Erméŋge sa aŋga derômaran a kwôy kwôy dîba, ken erem sa aŋga habiŋ ka yi sa terare a nà ré. ³ Wôsa yi mega kené ma naŋ Krist iyôn aŋ gelé woŋge woŋ tiri uwôbiŋ na kôbi Krist a ligi Emen a. ⁴ Krist wo li aŋ ken uwôn gelé woŋ tiri hen a gelé yiri nô tu wolé na, kenbay kôba, Emen a geléŋge tu wolé naŋ dî hen iyôn men. Aŋ kenbay naŋ dî ka uné hini emê a men.

⁵ Iyôn ba, ken dî tô jé lêreŋge wo habiŋ wo sa terare a nà hen baa yôd. Jé lê wo habiŋ bi a na: yiŋare toŋ iyôn a tôŋ men, wônŋare môŋ to garê iyôn men, doy lê aŋga habiŋ ka gay gay ka ca derem hen men, lê aŋga habiŋ ka bôrŋge gey

hen men, garemne are a men. Wôsa garemne are na, yi mega kamre kap tibé iyôn. ⁶ Wôsa lê are bay ka iyôngi hen apa bô tarê wo Emen ré sa sa bay narê kwôlê a hen. ⁷ Kenbay kôba, kirija na ken baj bô têrij a tô na, na ken li na hen iyôn men.

⁸ Nijba, haw hen na, ken li anja habij ka na kebé hen né: bô tarê men, wanê men, bô habre men, lê nom men, kwôlê woj tayre wo si kebrenge a hen men, ⁹ benare to perenge a a men. Wôsa ken dô yenge yi jé lerege wo cay wo habij wo ken leêre gan gan hen aj nij. ¹⁰ Aj haw hen jé lerege na kwo kôrbi nij. Aj na Emen a benge erme wo kôrbi bi wo hen kwôy kwôy bi kené gelij naj di men, kené hône dô jêd jêd a men hen. ¹¹ Iyôn ba, derê tu kirij wo kwo na, ná Jub men, kwo na, ná Jub ré men, kwo na wal keñ, kwo na, wal keñ né, kwo na, ná kerga, kwo na, tiri jôrij né men, kwo na ná lema men, kwo na, ná ôbi sa yiri men kôba, li ani ré nij, nijba, anja dôri ba, na Krist pôn neñ hari men, ôbi mô bô bijé kari a kêm a men.

¹² Mega Emen terenge bi kené yi kari aj perenge a men hen na, kenbay kôba, ken bôrij tu ja tonje men, ken dôrije perenge a men, bi kalenge jal men, uwôlinge bôrije sa yenge a men. ¹³ Denge bôrije tarenge sa megenge a ré, nijba, hena kwôni ré naj kwôlê wôni naj megari kôba, bi di bôri jal sari a mega wo Kelma kôba, na diñ bôri jal sari a hen iyôn men hen. ¹⁴ Ken li are bay ka kêm hen men, ken perij yenge a men. Aj na peré yi a lê apa kené bij pôn derê hen. ¹⁵ Bi bô jalê wo Krist benge hen

na, bi dô tumôrnge. Wôsa Emen uwôgênge bi kené hôn bô jalê bi wo hen bi kené yij kurôngi yi wo pôn. Iyôn ba, ken liri dosé. ¹⁶ Kwôlo Krist wo na ken toy nañ uné kêm wo yi bô a hen na, ken bu bôrnge a dô men, ken gelij yernge men, ken yêgij marngge a men nañ tu melênê. Ayênge kibi Emen nañ kurôn heramê men, kurôn ayê kibi men, nañ kurôn wo Tunu béngge hen men. Kibéngge hen iyôn ken lipni dosé nañ bôrnge pôn. ¹⁷ Are kêm ka ken li men, kwôlo kêm wo ken kôl a men hen na, ken li mega wo Kelma Jêsu gey hen iyôn men, ken lij Ibarna Emen dosé wô sari a men.

Hal wo dôri wo bay ayê bôô nañ megêrji bay ayê bôô

¹⁸ Yébé, dôbînge kwôrnêrnge sarnge wôsa dé wo ka bij nañ Kelma ré li hen iyôn. ¹⁹ Imnê, perênge yébérnge dîba, ken bi turnge mène sarji a ré. ²⁰ Kamrê, bînge balêrnge kwôlê sa are kêm a. Hena kené li hen iyôn na, dôrij Kelma. ²¹ Balê kamrê kañ imnê, lênge bi bô kamnenge tarji ré, réba bôrji ma mênê.

²² Kenbay kañ limé kôba, bînge bay iyére tonge ka sa terare a nà kwôlê sa are kêm a men. Bengeji kwôlê wô tirji añ bi yirji ré dôrji sarnge a mera ré, nijba, ken biji kwôlê woñ tiri wôsa ken hariñ tini Kelma Jêsu. ²³ Jé wo yôn yôn wo ken li ná, lênge nañ bôô pôn mega wo kené li bij na Kelma iyôn, dîba na mega kené li bij na megêrji gawrê iyôn né. ²⁴ Men, ken hôn wo ré na Kelma a ré têbênge sa kôbrenge nañ aña Emen na ayij tôri dîré bij bîjé kari hen. Añ na

Krist a na dami wo ken li jé biri hen dî. ²⁵ Nijba, kwôni wo li habij ba, Emen a têbri sa kôbri wô kibi habrê wori bi wo ôbi li hen dîba, ôbi a derê tu kwôni ré.

4

¹ Kenbay bay iyéy limé, lijge limé kanje bay ka hen anjan gerérji men, kan derôre men, wôsa kenbay kôba, ôbi iyérenge derômaran a ya men.

Dosé to Pol liji nan gerjé kwôlê wo ôbi kôl wô derij kibi kwôlê wori

² Lêñnênge tô uwôlê Emen a an ken mô tu gerj men, ken lij Emen dosé a men. ³ Men, ken uwôl Emen wô sarni an bi ôbi dî geré bēni bi niné iyēlij kwôlê wo dôri wori men, uwôlij béré kwôli wo na yi kini uwôbēri a wo gengij sa Krist hen a men. An na wô kibi kwôlê bi wo hen apa haw hen ené yij danjay a hen. ⁴ Men, bi ené dô kwôlê wori sél bi bijné kêm ré hōni dô men. Wôsa yi gengij san bi ené li hen iyōj.

⁵ Erênge perê bijné ka hōn Emen né a hen nan tu melênê an geré kêm wo ken uwōj na, ken li hen iyōj. ⁶ Iyēlênge nan tô toj baliyare nan bijné ka bi bōrji sa Krist ré hen men, bi kwôli kelêrjge bi wo hen neŋgelé mega dōre iyōj a men. Ôbi a, kené hōnij geré ulé kwôlê sa kwôlê woji a.

⁷ A kwôlo gengij san ba, yēnena Tikik wo nana geyri wo li jé wo Kelma nan bōri pōn nan en hen a erê derênge ba ka toyé seŋge. ⁸ Ôbi á, ené jéri dōd yerjge a bi ré ô derênge kwôlini men, ré

dôbênge ibiyare bôrnge a a men hen. ⁹ En jéji naŋ Onésim yêнена wo ðebe sa têri a men, kwo nana geyri wo na yênenge woŋ kema iyére hen men. Bay a sa derênge kwôli are kê m ka sa sarni a nà hen.

¹⁰ Aristark wo yi danŋay a naŋ en hen lênge dosé men. Mark woŋ kuna Barnabas hen kôba, lênge dosé a men. Mega wo na en kelênge kwôli hen iyôŋ na, hena ôbi ré biŋ upênge ba, ken ðiri yerŋge a. ¹¹ Jésu wo bay uwôgeri Justus hen kôba, lênge dosé men. Biŋé bay ka subu ka en kebênge hiniji hen na, na Jubnê ka bi bôrji sa Emen a men, na bay mera a lê jé naŋ en wô *emê iyére to Emen men, bay dôben ibiyare bôn a damaŋ a men.

¹² Epapras woŋ yênenge kema iyére wo li jé biŋ Krist Jésu hen kôba, lênge dosé. Ôbi uwôl Emen ta ta naŋ yi gwa wô sarŋge bi kené ðebiŋ geraŋ men, kené gesiŋ tô ayê bôô woŋge a men, kené hôn aŋ kené li are kê m ka Emen gey hen a men. ¹³ En kôl hen iyôŋ bi kené hôn mega wo ôbi ré merên gaŋ wô sarŋge men, wô sa biŋé ka Lawdisé men, ka Hiyérapolis a a men. ¹⁴ Luk woŋ dôktôr wo nana geyri hen, bay naŋ Démas kôba, lênge dosé men.

¹⁵ Liŋge yênerna ka Lawdisé men, liŋge Nimpa naŋ églis to yi iyére tori a hen dosé béni men.

¹⁶ Kirija ken dêŋse magtubu hende to hen perêrŋge a niŋ na, ken biŋ églis to Lawdisé a bi dêŋse men, bi bay jén naŋ magtubu to na en li biji hen bi kenbay kôba, ken dêŋse men.

¹⁷ Kôlînge Arsip ré cubu tiri tô jé wo Kelma ré biri kôbri a hen dô aṅ ré duu kibri.

¹⁸ Kwôli dosé to lij nà nà, na nôbi Pol a lê naṅ kôben wujê hen. Bi bôrṅge gôrbij sa yé wo en yi daṅgay a hen né.

Bi bô derê wo Emen baa naṅ ken.

Magtubu tôô top bijare to kôrbi
Kimré: Magtubu tôô top bijare to kôrbi New
Testament

copyright © 2007 Wycliffe Bible Translators, Inc.

Language: Kimré

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 21 Feb 2024 from source
files dated 29 Jan 2022

9dff176-4e78-52cc-9acd-204efe85cf84